



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit. BB. Commissariorum ad ordinandam Scaniem constittutorum literae ad S. R. M. Sveciae, in quibus de VVenensi negotio quaedam enarrantur.

**urn:nbn:de:hbz:466:1-10534**

quidem, sed huc usque à Prætorè Nobis nequè annunciatum neque prælectum fuerit; nunc vero repetitum mandatum Regium nobis insinuetur, cujus vigore die nona Maji itidem Malmogix debemus compatere; Nos juxta S. R. M. præceptum debita submissa devotione ibidem præsto erimus. Dominos nostros benignissimos Protectioni omnipotentis Dei commendantes. Ex Insula Wena die 6. Maji Anno 1658.

Vest. Vest. Exc. Exc.

*subjectissimi servi*

Georgius Georgii.	Petrus Olai.	Sveno Johannis.
Petrus Jani.	Sveno Olai.	Janus Laurentii.

Lit. BB.

Commissariorum ad ordinandam Scaniam constitutorum literæ ad S. R. M. Sveciæ, in quibus de VVenenfi negotio quædam enarrantur.

**S**erenissime ac Potentissime Rex, Domine clementissime, Postquam Officialis ille bellicus in Insulam Wenam à Nobis ablegatus tam à Pastore quam agricolis ibidem responsum scriptum nobis retulit, cujus tenore die 9. Maji, quemadmodum postulatam à Nobis erat, heic præsto esse, & Vestræ R. M. homagio & fidelitatis juramento se debitè submittere volunt, quemadmodum V. R. M. ex adjuncto literarum exemplo eò melius informari potest, in quibus speciatim agricolæ excusare conantur, quod citius non comparuerint, cum literæ nostræ priores à Prætorè suppressæ, nec iis prælectæ fuerint; Animarum verò ibidem Pastor simul nobis significat, quod olim Episcopatus Sialandix semper subjauerit: Nobis persuaseramus futurum, ut datam fidem suam in hoc negotio servarent. Verum interea temporis in manus nostras pervenit diploma aliquod S. R. M. Daniæ, in quo dictæ Insulæ incolis juramenti præstatione interdicitur, ut itidem Vest. R. M. ex adjecto illius Inhibitorii Exemplo pluribus percipiet. Præter adducta nihil amplius circa hanc causam contigit, & incolæ Wenenfes definito tempore non com-  
pa ruerun

patuerunt. Quicquid itaque Vest. R. M. pro hac negotii conditione clementissimè Nobis ulterius injungere voluerit, in eo exequendo debita cum devotione erimus obsequentissimi. V. R. M. interim divinæ tutelæ cum voto omnigenæ prosperitatis & felicissimi Regiminis humilissimè commendantes.

*Malmö d. 10. Maj. 1658.*

V. R. Majestatis

humillimi & fidelissimi

Cornificius VVlffeldt  
Comes in Sylfsborg.

Ericus Sparre.

Lit. CC.

Diploma Regis Woldemari de venditione & abdicatione terrarum Scaniæ, Hallandiæ Bleckingiæ, Listriæ & Insulæ VVenæ.

UNIVERSIS præsentis literas vi suris & auditoris, Waldemarus, DEI Gratia, Danorum Sclavorumque Rex, & Dux Estoniæ, salutem in Domino sempiternam. Ad perpetuam rei memoriam, tenore præsentium recognoscimus evidenter, Nos Magnifico Principi Domino Magno, Sueciæ Regi illustri, Consanguineo nostro charissimo, terras videlicet totam Scaniam, totam Hallandiam, Bleckingiam, Listriam, & Insulam Huethen, cum castris, & munitionibus in eisdem terris situatis, cum omni jure Regio, Nobis, hæredibus nostris & successoribus, & Coronæ Regni Daciæ in prædictis terris, & qualibet earum, quolibet competenti, in civitatibus, villis forensibus & nundinis, cum earum juribus, in nullis penitus diminutis, sed potius reintegratis, prout ab antiquo tempore huc usque plenius & liberius habita fuisse dignoscuntur, nullis exceptis, quocunque nomine censeantur, pro XLIX. millibus marcarum puri argenti, ponder. coloniens. veraciter vendidisse: Cujus argenti summam ad Nos & usus nostros venisse agnoscimus, pro omnibus terris antedictis, & earundem juribus, pertinentiis quibuscunque, in pretium per hunc modum:

Primo